



Broj: 07-2461/23

Datum: 29.09.2023.godine

Na osnovu člana 70. stav (1) i (4), a u vezi sa članom 69. stav (1), tačka b) i stav (2) tačka d) Zakona o javnim nabavkama ("Službeni glasnik BiH", br. 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/19), a na preporuku Komisije za javnu nabavku po Zapisniku o pregledu i ocjeni ponuda broj: 07-2461/23 od 20.09.2023. godine, Gradonačelnik donosi:

ODLUKU **o poništenju postupka javne nabavke**

Član 1.

Poništava se postupak javne nabavke **softvera DMS za praćenje i kontrolu kretanja predmeta i dokumenata za potrebe gradske uprave Srebrenik**, objavljen na Portalu javnih nabavki, obavještenje o nabavci broj: 761-1-2-29-3-33 od 18.07.2023. godine i Ispravka Obavještenja o nabavci broj: 761-1-2-29-8-50/23 od 12.09.2023. godine i sažeci obavještenja o nabavci, objavljeni u „Službenim glasniku BiH“ broj: 51/23 od 04.08.2023.godine i 63/23 od 15.09.2023. godine, jer nijedna od primljenih ponuda nije prihvatljiva.

Član 2.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.srebrenik.ba, istovremeno s upućivanjem iste ponuđačima koji su učestvovali u ovom postupku.

Član 3.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

O b r a z l o Ź e n j e

Odlukom o pokretanju postupka javne nabavke **softvera DMS za praćenje i kontrolu kretanja predmeta i dokumenata za potrebe gradske uprave Srebrenik** broj: 07-2461/23 od 11.07.2023. godine, pokrenut je postupak nabavke predmetnih usluga. Javna nabavka je provedena putem otvorenog postupka, a kriterij za dodjelu ugovora je najniža cijena.

Procijenjena vrijednost nabavke iznosi 106.837,61 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 18.07.2023.godine pod brojem 761-1-2-29-3-33/23 i sažetak obavještenja o nabavci, objavljen



u „Službenom glasniku BiH“ broj: 51/23 od 21.07.2023 godine. Tenderska dokumentacija objavljena je zajedno sa navedenim obavještenjem.

Odlukom Ugovornog broj: 07-2461/23 od 11.07.2023. godine imenovana je Komisija za javnu nabavku **softvera DMS za praćenje i kontrolu kretanja predmeta i dokumenata za potrebe gradske uprave Srebrenik**, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za javnu nabavku donijela je Odluku o izmjeni tenderske dokumentacije broj: 07-2461/23 od 26.07.2023. godine, koja se odnosila na izmjenu tačke 14.3 tenderske dokumentacije – Garancija za dobro izvršenje ugovora. Dana 07.08.2023. godine, Ugovorni organ Grad Srebrenik zaprimio je žalbu od strane ponuđača TR “SMART” Žepče izjavljenu na tendersku dokumentaciju, broj: 07-2461/23 od 18.07.2023. godine. Ista je blagovremeno uz Izjašenje Ugovornog organa na navode žalbe i ostalu propratnu dokumentaciju proslijeđena Uredu za razmatranje žalbi, Filijala Mostar. Ugovorni organ je dana 11.09.2023. godine zaprimio Zaključak broj: JN2-03-07-1-2165-6/23 od 07.09.2023. godine od Ureda za razmatranje žalbi, Filijala Mostar kojim se odbacuje žalba potencijalnog ponuđača TR “SMART” Žepče. Navedeno je zahtijevalo da Komisija za javne nabavke je donese ponovno Odluku o izmjeni tenderske dokumentacije broj: 07-2461/23 od 12.09.2023. godine kojom se mijenja Mjesto, datum i vrijeme za prijem ponuda i otvaranje ponuda, a te su promjene zahtijevale i donošenje Rješenja o izmjeni rješenja o imenovanju komisije za javne nabavke, broj: 07-2461/23 od 12.09.2023. godine.

U krajnjem roku za dostavu ponuda blagovremeno su dostavljene četiri ponude i to: „INFO STUDIO“ d.o.o. Sarajevo, “ORKA“ d.o.o. Sarajevo, „INFONET“ d.o.o. Tuzla i Grupa ponuđača „CUSPIS“ d.o.o. Brčko i „CUSPIS“ d.o.o. Zagreb.

Slijedom navedenog, Komisija je u okviru svojih nadležnosti i ovlaštenja provela postupak i sačinila Zapisnik o pregledu i ocjeni ponuda, te konstatovala da nijedna od primljenih ponuda nije prihvatljiva, odnosno da su sve gore navedene zaprimljene ponude ocijenjene kao neprihvatljive i nepravilne, iz razloga što iste *ne ispunjavaju kriterije za kvalifikaciju privrednog subjekta (neprihvatljiva)* i *nisu u skladu sa tenderskom dokumentacijom (nepravilna)*.

Ponuda ponuđača „INFO STUDIO“ d.o.o odbačena je jer:

- ne ispunjava kriterij iz Tenderske dokumentacije pod 13.3. Tehnička i profesionalna sposobnost, tačka b) da ponuđač ima angažovane u stalnom radnom odnosu, ili pod Ugovorom o djelu ili poslovno tehničkoj saradnji između ostalog – software inženjer – 2 izvršioca, VSS dipl.ing.el sa minimalno 7 godina iskustva. U konkretnom slučaju iz Liste osiguranih lica za obveznika izdate od strane PU FBiH, KPU Sarajevo, Porezna ispostava Centar, broj: 13-9/2-12-45-3508-1/23AĐ od 27.07.2023. godine, jasno je vidljivo da je *Ćerimagić Adnan* (inženjer informatičkog upravljanja na



poziciji Software) prijavljen sa VSS dana 21.07.2022. godine, dakle nema traženih minimalno 7 godina radnog iskustva.

- Dalje, imenovani ponuđač ne ispunjava uslov iz tačaka I. i II. Odluke o izmjeni tenderske dokumentacije broj: 07-2461/23 od 26.07.2023. godine, koji se odnosi na tačku 14.3 Tenderske dokumentacije – garancija za dobro izvršenje ugovora, jer nije dostavio izmijenjenu Izjavu ponuđača koja je sastavni dio priloga II – Obrazac za ponudu, sa dodatom tačkom 7. *Ako naša ponuda bude najuspješnija u ovom postupku javne nabavke obavezujemo se da ćemo dostaviti garanciju za uredno izvršenje ugovora u skladu sa uslovima iz TD (tačka 14.3).* Ponuđač „INFO STUDIO“ d.o.o. Sarajevo dostavio je samo Izjavu izrađenu na vlastitom memorandumu da će ukoliko budu odabrani ponuđač, dostaviti garanciju za dobro izvršenje ugovora, najkasnije u roku od 7 (sedam) dana od obostranog potpisa ugovora i to prema urneku dostavljenom u tenderskoj dokumentaciji broja nabavke 07-2461/23, a ista se kao takva ne može prihvatiti.

Ponude ponuđača „ORKA“ d.o.o. Sarajevo i „INFONET“ d.o.o. Tuzla odbačene su jer:

- nisu dostavili izmijenjenu Izjavu ponuđača koja je sastavni dio priloga II – Obrazac za ponudu, kako je to zahtjevano Odlukom o izmjeni tenderske dokumentacije broj: 07-2461/23 od 26.07.2023. godine.

Ponuda grupe ponuđača „CUSPIS“ d.o.o. Brčko i „CUSPIS“ d.o.o. Zagreb odbačena je jer:

- ne ispunjava kriterij iz Tenderske dokumentacije pod 13.3. Tehnička i profesionalna sposobnost, tačka b) da ponuđač ima angažovane u stalnom radnom odnosu, ili pod Ugovorom o djelu ili poslovno tehničkoj saradnji – software inženjer – 2 izvršioca, VSS dipl.ing.el sa minimalno 7 godina iskustva. U konkretnom slučaju, za *Uzelac Mladena*, na poziciji software inženjer, nema dokaza da je sa VSS obavljao poslove navedene u Izjavi o stažu člana projektnog tima, na stranici 72. Ponude, što je potvrđeno i u Elektroničkom zapisu, izdatom od strane Hrvatskog zavoda za mirovinsko osiguranje, klasa: 034-04/23-03/6, ur. broj: 341-25-05/8-23-459911 od 14.09.2023. godine.
- Daljim uvidom u istu ponudu, ustanovljeno je da ne ispunjava ni uslov zahtijevan tenderskom dokumentacijom također pod 13.3. Tehnička i profesionalna sposobnost, tačka b) da ponuđač ima angažovane u stalnom radnom odnosu, ili pod Ugovorom o djelu ili poslovno tehničkoj saradnji – programer – 2 izvršioca, VSS bachelor ili dipl.ing sa minimalno 3 godine iskustva, iz razloga što je u Elektroničkom zapisu, izdatom od strane Hrvatskog zavoda za mirovinsko osiguranje, klasa: 034-04/23-03/6, ur.broj: 341-25-05/8-23-459817 od 14.09.2023. godine evidentirano da je *Demo Filip*, na poziciji programer, sa VSS osiguran tek 08.12.2022. godine što implicira da imenovani nema tražene minimalno 3 godine iskustva
- Grupa ponuđača „CUSPIS“ d.o.o. Brčko i „CUSPIS“ d.o.o. Zagreb ne ispunjava ni uslov iz iste tačke Tenderske dokumentacije koji se odnosi na vođu obuke – 1 izvršioci, VSS dipl.ecc. sa minimalno 5 godina iskustva, jer *Damjanović Lucija*, na poziciji vođe obuke, osim Izjave o stažu člana projektnog tima na stranici 75. ponude,



nema drugog dokaza o zahtjevanim godinama iskustva, odnosno nije dostavljen izvod iz Porezne uprave ili PIO/MIO iz kojeg se vidi da ponuđač ima usposlene članove Projektnog tima na neodređeno vrijeme ili Ugovore o djelu ili drugi važeći dokument kojim potvrđuje navedeno, ne starije od 1 (jedne) godine i koji je na snazi u vrijeme izvršenja ugovora (Tenderska dokumentacija pod 13.3. Tehnička i profesionalna sposobnost stav 2).

- Zatim, *Kalušić (Odić) Azra*, također na poziciji vođe obuke, ima zvanje diplomirani socijalni pedagog, što je vidljivo iz dostavljene diplome, na str. 104. Ponude. Dakle, imenovana uopšte nije ekonomske struke. Pored toga, za Kalušić (Odić) Azru nije dostavljen ni izvod iz Porezne uprave ili PIO/MIO iz kojeg se vidi da ponuđač ima usposlene članove Projektnog tima na neodređeno vrijeme ili Ugovore o djelu ili drugi važeći dokument kojim potvrđuje navedeno, ne starije od 1 (jedne) godine i koji je na snazi u vrijeme izvršenja ugovora.
- Ponuđač, dalje, nije dostavio ni izmijenjenu Izjavu ponuđača koja je sastavni dio priloga II – obrazac za ponudu, kako je to zahtjevano Odlukom o izmjeni tenderske dokumentacije broj: 07-2461/23 od 26.07.2023. godine.

Nakon izvršenog pregleda i ocjene ponuda, Komisija je dostavila Gradonačelniku Zapisnik o pregledu i ocjeni ponuda, broj: 07-2461/23 od 20.09.2023. godine sa preporukom za donošenje odluke o poništenju postupka za predmetnu nabavku.

U postupku donošenja ove Odluke, posebno su cijenjene činjenice, da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz Tenderske dokumentacije.

Obzirom da nijedna primljena ponuda nije prihvatljiva, ispunjeni su uvjeti za poništenje predmetnog postupka javne nabavke, u skladu sa članom 69.stav (2) tačka d) Zakona o javnim nabavkama, pa je odlučeno kao u dipozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članovima 97., 99. i 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri.

Dostavljeno:

1. Ponuđaču 4x,
2. Evidenciji,
3. Arhivi



GRADONAČELNIK

Adnan Bjelić

